



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 88. Cæsar, comperta Turcarum victoria de conservanda unione  
desperans

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

evaferat, in quorundam tamen Hungarorum latronum manus incidit; quorum nonnulli Cardinalem, cum equum prope stagnum potaret, agnoscebant, & magna auri vi instructum arbitrati, dejectum equo necabant, ablatisque vestimentis nudum feris, atque volucris in prædam relinquebant. Hic exitus Viri fuit certe maximi, & benignioris fortunæ dignissimi, quem tamen Scriptores velut omnium horum malorum Auctorem acriter perstrinxerunt. Exploratum equidem habemus, eundem violati foederis tam sancte jurati prope unam exstitisse causam, proin totius ferme exercitus cladem ipsi imputandam. Numerabat eo tempore nonnisi quadragesimum sextum ætatis annum, & Zeli sui ardore, ac profunda eruditione, quam præcipue in Græcorum disceptationibus Florentini Concilii tempore monstravit, amplissimam gloriam adeptus est, majorem habiturus, si suos intra limites permanere novisset.

## §. LXXXVIII.

*Imperator comperta Turcarum victoria de conservanda unione desperans.*

Joannes Palæologus infelix Græcorum Imperator, cum subsidia adversus Amuratem sibi mittenda desperaret, nec

Sæcul. XV.  
A. C. 1444.

*Æn. Sylv.*  
*cap. 5.*

de unione, nec de Latinorum foedere amplius cogitabat, minus vero ultra schismati palam sese opponere audebat, veritus, ne Turcæ in suspicionem adducerentur, quod ideo ejusdem Religionis vinculo unitus Latinis accederet, ut Græcos in Amuratis perniciem ad sua studia pertraheret. Quinimo haud erubuit pacem a Sultano poscere, quam ille victoriæ suæ gloria modeste usus, roganti ultro concessit, & inviolabili fide toto vitæ suæ curriculo servavit. In Amuratis enim laudem cedit, quod nequaquam superbiæ, aut crudelitatis vitiis deditus fuerit; quippe parta hac victoria, quæ sane alterius cujusque Herois animum jactantiæ typho inflare potuisset, ipse nequidem hilarem vultum, ut antea affueverat, ostendit: interrogatus vero, quare tristior esset: nollem, respondit, hoc modo sæpius vincere; quapropter neglecto victoriæ cursu ad sua revertebatur, reliquos vitæ dies Adrianopoli, ubi & mortuus est, in pace transacturus.

§. LXXXIX.

*Sessio I. Concilii Florentini Romam translata.*

Eugenius Papa, qui eo tempore Romæ agebat, summo animi moerore recentem Christiani exercitus cladem percept,